



Index Librorvm Prohibitorvm Alexandri VII

Alexander

Romae, 1667

XLV. Bulla Urbani Papæ VIII. Prohibitio Libri, cui titulus: Augustinus Cornelij
Iansenij.

[urn:nbn:de:hbz:466:1-81440](https://nbn-resolving.org/urn:nbn:de:hbz:466:1-81440)

Isaaci Casanboni Epistola, quotquot reperiri poterunt. Adiecta est Epistola de morbi eius mor-
tisque causa deque ipsdem narratio, Raphaëlis Thorij.

De Manu Regia Tractatus Gabrielis Pereira de Castro.

Il Ministro di Stato del Signor de Silhon; Trasportato dal Francese per Mutio Zicatta.

Paradisus Carmelitici Decoris; Auctore Marco Antonio Alegre de Casanate.

Il Principe Nigello, di Guid'Vbaldo Benamati.

Prenues des Libertez de l'Eglise Gallicane.

Stephani Bauny Moscomensis Theologia Moralis.

Eiusdem, Somme des Pechez qui se commettent en tous Es tats.

Eiusdem, Pratique du Droit Canonique.

Storga Salice, id est, Epistola, in qua Pater Orthodoxus Filium Papistam reducere conatur.
Authore Stephano Gabriele Ecclesie Ilantina in Griseo Rhetorum Federe Ministro.

Tractatus de Supplicatione, ad Sanctissimum, a Litteris & Bullis Apostolicis nequam, & im-
portunè impetratis; Et de earum Retentione interim in Senatu: Authore Francisco Salgado
de Somoza.

Traicté des Droits, & Libertez de l'Eglise Gallicane. Par M. Pierre Pithou.

In quorum fidem Manu, & sigillo Eminentissimi, & Reuerendissimi DD. Cardinalis Pij
Sacri Collegij Decani præsens Decretum signatum, & munitum fuit. Romæ, die 26. Octo-
bris 1640.

C. Episcopus Hostien. Card. Pius.

Locus † Sigilli.

Fr. Io. B. Marinus Ord. Præd. Secr.

XLV.

Bulla VRBANI Papæ VIII. Prohibitio Libri, cui titulus: Augustinus
Cornelij Iansenij.

VRBANVS Episcopus Seruus Seruorum Dei. Ad perpetuam rei memoriam.

IN eminenti Ecclesie Militantis Sede, &c. Postea recol. mem. Paulus Papa V. simili-
ter prædecessor noster, ad tollenda scandala, & dissensiones, quæ in Ecclesia Ca-
tholica oriebantur, occasione editionis Librorum & operum de Auxiliis tractantium;
in Generali Congregatione Sanctæ Romanæ & Vniuersalis Inquisitionis, sub die 1. De-
cembris, Anni Domini 1611. eoram ipso habita, decreuit, vt scriberetur Nuntijs Apo-
stolicis, quod notificarent & ordinarent Superioribus Religionum, & Vniuersitatibus
Studiorum, & Ordinarijs eorum Nuntiaturæ, ne finerent imprimi in materia de Au-
xilijs, etiam sub prætextu commentandi S. Thomam, aut alio modo; & qui vellent de
hac materia scribere & imprimere, prius mitterent Tractatus & Compositiones ad di-
ctam sanctam Vniuersalem Inquisitionem; & in executionem mentis dicti Pauli præ-
decessoris, eiusdem Decreti tenor omnibus prædictis per Nuntios respectiue fuit legi-
timè intimatus: Successiueque, ne contra prædictum Decretum aliquid attentari con-
tingeret, sed scandala, & dissensiones omnino cessarent; Nos in alia Generali Con-
gregatione dictæ Sanctæ Romanæ, & Vniuersalis Inquisitionis, Feria quinta die 22.
Maij, Anno Domini 1625. per aliud Decretum nostrum, ipsum Pauli prædecessoris
Decretum confirmavimus & innouauimus; ac omnibus & singulis cuiusvis Religionis,
Ordinis, Congregationis, Instituti, & Societatis etiam de necessitate exprimendæ, Re-
gularibus, & alijs quibuscumque, tam Ecclesiasticis quam Sæcularibus personis cuius-
cumque status, conditionis, gradus, ordinis, & dignitatis, tam Ecclesiasticæ, quam
Sæcularis, ne in posterum auderent imprimere, vel quomodolibet in lucem edere li-
bros, Tractatus, vel compositiones, ex professo vel incidenter, aut prætextu co-
mentandi Diuum Thomam, vel quemlibet alium Doctorem, aut alia quavis occasio-
ne, prætextu, vel modo, de materia Auxiliorum Diuinorum tractantes, sine expressa
& speciali licentia à Nobis, in Congregatione Sancti Officij prædicta, obtinenda, donec

aliud in hac materia à Sede Apostolica foret ordinatum; districte præcepimus & mandauimus; & vt huiusmodi nostrum Decretum inuolabiliter obseruaretur, & officiorum suorum, vocis activæ & passivæ, facultatis concionandi, publicè legendi, docendi, & interpretandi, ipso facto, absque alia declaratione, incurrere, & nihilominus alijs etiam pœnis nostro, & successorum nostrorum Romanorum Pontificum arbitrio infligendis subiaccere. Librosque quos ex tunc deinceps, contra dicti nostri Decreti tenorem, edi contingeret, absque alia declaratione, tanquam expresse prohibitos haberi, & Impressores, præter amissionem Librorum, pecuniarijs aliisque corporalibus pœnis, iuxta criminis gravitatem teneri. Novissimè tandem accepto per Nos in Oppido (Civitate nuncupato) Louanensi, quosdam assertos, Cornelij Iansenij olim Episcopi Iprensis executores ex testamento, in lucem edi curasse Librum, cui titulus Augustinus, ex professo continentem & tractantem materiam de Auxilijs, nulla pœnis occasione Patres Societatis Iesu, nonnullas in Civitate Antuerpien. de eadem materia tractantes Theses, pariter absque licentia eiusdem Congregationis, imprimi curasse, opinionesque Iansenij in prædicto libro contentas oppugnasse, rursusque nonnullas alias, orationes, scripturas, Epistolas, Thesesque, in calce infra scripti Decreti nostri tunc registratas, tam pro dicti Libri Iansenij, quam Thesium à Patribus Iesu editarum defensione impressas fuisse, non solum contra prædictorum Decretorum prohibitionem, sed etiam in grave scandalum & offensionem Ecclesiæ Catholice: Nos vt malis huiusmodi imminetibus quanto citius occurreretur, & ne in posterum illis auderet dictis Decretis contraire, per aliud Decretum in alia plena & generali Congregatione eiusdem Sanctæ Romanæ & Vniuersalis Inquisitionis coram Nobis die primo Augusti proximè præteriti habita, in hærendo prioribus Decretis à Paulo prædecessore, & à nobis, vt supra, editis, pro tunc dictum librum Iansenij, cui titulus, Augustinus, Louanij impressum, necnon Theses à Patribus Societatis Iesu Antuerpiæ in lucem editas, aliasque scripturas in calce posterioris nostri Decreti huiusmodi registratas, iam vigore anteriorum supradictorum Decretorum prohibitas, de novo prohibuimus, ac pro prohibitis omnino haberi volumus. Mandauimusque sub pœna excommunicationis, ipso facto incurrendæ, ne quis cuiuscunque status, gradus, conditionis, & qualitatis, etiam speciali & specialissima nota dignæ, librum & Theses prædictas, aliasque scripturas, vt supra, absque dictæ Sedis licentia in dicta Congregatione Sancti Officii obtinenda, retinere & legere posset. Mandauimus insuper omnibus, & singulis cuiusvis Religionis, Ordinis, & Dignitatis, Abbatiali, Episcopali, Archiepiscopali, & Patriarchali dignitate suffultis, Collegijs & Vniuersitatibus, sub prædictis, vt supra, excommunicationis, ipso facto incurrendæ, Interdicti Ecclesiastici, respectivè, aliisque, arbitrio nostro, pœnis infligendis, etiam corporalibus, ne in posterum auderent imprimere, nec quomodo in lucem edere Libros, Tractatus compositiones, ex professo vel incidenter, etiam sub prætextu commentandi Dium Thomam, seu in Philosophicis, agendi de concursu causæ primæ cum secunda, & præsertim defendendi, aut impugnandi librum dicti Iansenij, cuius titulus, Augustinus, vel Theses Patrum Societatis Iesu, aliasque scripturas in calce dicti posterioris nostri Decreti, vt præfertur, registratas & prohibitas, aut alia quavis occasione vel modo, de materia Auxiliorum divinorum seu de Gratia & Libero arbitrio tractantes, sine expressa licentia à nobis in dicta Congregatione Sancti Officii obtinenda, donec aliud in hac materia à Sede Apostolica prædicta foret ordinatum. Absolutionem verò à prædicta excommunicatione, necnon interdicti suspensionem & relaxationem, Nobis & dictæ Congregationi reservauimus; Non obstantibus quibuscunque privilegijs, etiam Sanctæ Cruciatæ, Iubilæi (etiam generalis) & facultatibus Missionariorum, ac alijs à dicta Sede emanatis seu emanandis; quibus omnibus in hac parte derogauimus: Volumusque etiam omnia suum plenarium sortiri effectum, omnesque contrasacientes, vt supra, ligare, nec quemquam excusari posse, etiam sub prætextu, quod anteriora Decreta Pauli prædecessoris, & nostra, alias, vt præfertur edita, non forent in Provinciis intimata, vel vti recepta. Irritum quoque, & inane decreuimus quidquid secus super his à quoquam quavis auctoritate scienter vel ignoranter contingeret attentari; Contrariis quibuscunque

INDICES
Librorum
PROHIBITORUM
E. V.
24.

cunque non obstantibus. Et ne præmissorum ignorantia posset ab aliquo prætendi volumus, ut posterius nostrum Decretum huiusmodi seu illius exemplum, ad Valuas Basilicarum S. Ioannis Lateranensis & Principis Apostolorum de Vibe, & in Acie, Campi floræ, affixum, omnes ita arctaret & afficeret, ac si unicuique personaliter intimatum foret. Nota verò Librorum, & scripturarum prohibitarum, in calce posterioris Decreti nostri huiusmodi registratarum, hæc est. Liber *cui titulus*, Augustinus, impressus Louanij Typis Iacobi Zezeri Anno 1640. & Parisijs 1641. Theses Theologicæ de Gratia, Libero arbitrio, & Prædestinatione, Antuerpiæ apud Ioannem Meursium Anno 1641. Cornelij Iansenij Iprensis Episcopi, &c. Laudatio Funeralis dicta à R. Fratre Ioanne à Lapide, &c. Louanij, Typis Bernardini Marij, &c. Epistola idioma Hispano, All'Eminentissimo y Reuerendissimo Señor Cardinal de la Cueva, de la Congregacion de la S. Inquisicion, por el P. Pedro Biuero de la Compania de Iesus, Predicador del Señor Cardinal Infante; Dat. in Bruxellas 26. Henero 1641. Memoriale idioma Hispano Cardinali Infanti Hispan. incipiens *Serenissimo Señor*, & finiens *Cómo es V. Cathol. Real. A.* Libellus, cui titulus, Humilis, & supplex querimonia Iacobi Zegers Typogr. Louan. aduersus Libellum R.P.S.I. Regiæ Cappellæ Bruxell. Concionatoris, & Theses PP. Societatis, Louanij apud Iacobum Zegers anno 1641. primæ, secundæ, & tertiæ editionis. Memoriale ad Eminentissimum Cardinalem de la Cueva, circa Querimoniam frivolum Iansenianam, &c. contra Theses Theologicas, & Libellum supplicem, &c. Eiusdem de eodem tela ingesta & regesta. Theses Theologicæ, Apologeticæ, & Miscellanæ aduersus doctrinam Cornelij, &c. sub prætextu querimoniarum Typographi Louanienfis, editionis secundæ, &c. Antuerpiæ apud Ioannem Meursium Anno 1641. Libellus, cui titulus, Augustini Hipponensis, & Augustini Iprensis, de Deo omnes saluare volente, &c. Homologia, &c. Louanij apud Iacobum Zegers Anno 1641. Epistola Liberti Fromundi, & Henrici Caleni Louanij 16. Iunij 1641. R. P. Societ. Iesu Louan. incipiens, *Theses vestras*. Epistola Professorum S. Thom. Colleg. Societ. Iesu Louan. Liberto Fromundo, & Henrico Caleno, incipiens *Gratias agimus*, &c. Epistola, cui titulus, Petrus Biuerus Doctoribus Iansenianis, &c. Ad rem, &c. incipiens, *Adrem Amici*, &c. Somnium Hipponense, sive de Controversijs, &c. Relatore Phyletimo S. T. Baccal. Formato, Parisijs anno 1641. Insuper omnes alij libri, Opuscula, Epistolæ, Orationes, Theses, &c. aliaque omnia tam edita hucusque quam imprimenda, tam contra quam pro Cornelio Iansenio, ac Patribus Iesuitis. Cum autem ex diligenti, & matura eiusdem Libri, cui titulus, Augustinus, lectione, postmodum compertum fuerit, in eodẽ libro multas ex propositionibus à prædecessoribus nostris olim, ut præfertur, damnatas, contineri, & magno cum Catholicorum scandalo, & auctoritatis dictæ Sedis contemptu, contra præfatas damnationes, & prohibitiones defendi; Nos huic malo, in scandalum totius Reipublicæ Christianæ & Fidei Catholicæ perniciem vertendi, opportunum remedium adhibere volentes; Constitutionis Gregorij ac Pauli prædecessorum prædictorum nostrorum, necnon Decretorum huiusmodi totos, & integros tenores, ac Datas etiam veriores præsentibus pro taliter expressis, & insertis habentes; Motu proprio, ex certa scientia nostra, ac de Apostolica potestatis plenitudine, ac perpetuo valitura Constitutione eiusdem Pij & Gregorij prædecessorum, huiusmodi Constitutiones prædictas, omniaque & singula in eis contenta, Apostolica auctoritate tenore præsentium, perpetuo confirmamus & approbamus; Librumque prædictum, cui titulus est, Augustinus Articulos, opiniones, & sententias in dictis Constitutionibus reprobatas atque damnatas, ut à Nobis compertum est, continentem & renouantem, aliaque omnia opera præsentibus nostris litteris subinserta, quæ alijs sub posteriori Decreto nostro prædicto registratis, per præsentis addimus, atque adiungimus, eadem auctoritate, per præsentis omnino prohibemus, ac pro vetitis & prohibitis haberi volumus & mandamus. Iubentes insuper sub omnibus pœnis, & censuris in prædicta Constitutione Pij prædecessoris, contentis (à quibus, nullus Romano Pontifice inferior, excepto mortis articulo, absolueri contrafacientes possit) ne quis cuiuscunque conditionis & qualitatis sit, etiam speciali & specialissima nota & expressione dignus, de prædictis, ut supra, damnatis, & in prædicto Libro contentis, alijsque (ut infra) subinsertis, Articulis, Opinionibus, sententijs, Libellis, Orationibus, Scripturis, Epistoljs, Thesis, quoque pacto loqui, scribere & disputare audeat; Librumque, & alia prædicta penes se retinere vel legere præsumat.

INDICES

Librorum
PROHIBITORUM
E. V.
24.

præsumat. Remanente nihilominus in reliquis in suo robore posteriori Decreto à Nobis in Sacra Supremæ & Universalis Inquisitionis Congregatione, ut præfertur, edito, Decernentesque sic & non aliàs in præmissis omnibus & singulis per quoscunque Interpretes, Doctores, Academiæ, Universitates, & Studia generalia, aliasque personas, Iudices Ordinarios, delegatos, mixtos etiam Nuntios nostros, & Sedes prædictas, sublatæ eis, & eorum cuilibet, qualibet aliter iudicandi & interpretandi ac gloriandi & decidendi facultate & auctoritate, ubique iudicari & definiri debere. Irritumque & inane quicquid secus super his à quoquam quanvis auctoritate scienter vel ignoranter attentatum forsan est hætenus, *vel* in posterum contigerit attentari. Non obstantibus omnibus quæ in dicto nostro posteriori Decreto volumus non obstatæ Ceterisque contrariis quibuscunque. Opera verò addita alijs, in calce posterioris nostri Decreti, ut præfertur, registratis & prohibitis, sunt sequentia, *videlicet*: Liberti Fromundi Sacre Theologiæ Doctoris, &c. Brevis Anatomia hominis, Louanij apud Iacobum Zegers, &c. Anno 1641. Conuentus Africanus, sive disceptatio Iudicialis apud Tribunal Præfatus Augustini, &c. enarratore Artemidoro Oneirocritico, A Rouën, Chez Nicolas de Montaigne Anno 1641. Memorial au Roy, incipiens, *lean Iansenius Chanoine*, &c. & finiens *contra illa duo Decreta Summarum Pontificum*, &c. Item attestatio Notariæ, &c. incipiens; *Ego inscriptus*, & finiens, *Petrus Mentari Notarius*. Approbatio sub nomine nonnullorum Theologorum ex varijs Religionibus, tam Ordinum Monachalium quàm Mendicantium, nec non Archiepiscopi Philippenfis, aliorumque Theologorum Clericorum Sæcularium, Doctrinæ Cornelij Iansenij in dicto Libro Augustini, contenta, incipiens. *Quid censendum sit de doctrina in opere Reverendiss. D. Cornelij Iansenij Episcopi Iprensis sel. me. nuncup. Augustinus*, contenta patebit ex subsequentibus attestatibus Doctissimorum Virorum in Belgio & alibi existentium, &c. & finiens: *Ei ne publicè & Apostolico, ac dictæ Universitatis Notario & Scriba iurato; Quod attestor, Petrus Mentari Notarius*. Ut autem præsentēs nostræ Litteræ, omniæque & singula in eisdem Litteris, ut supra contenta ad omnium notitiam deducantur, nec illarum ignorantia ab aliquo allegari possit, volumus easdem præsentēs nostras Litteras, seu earum transumptum, etiam impressum (cui manu Notarij publici subscriptum, & sigillo alicuius personæ in dignitate Ecclesiastica constitutæ munito, plenam ubique locorum, & tam in iudicio quàm extrà illud fidem adhiberi decernimus) in Basilicæ Principis Apostolorum de Vrbe, & Cancellariæ Apostolicæ Valuis, atque in Acie Campi Floræ per aliquos ex Curforibus Palatij Apostolici publicari & affigi, earumque copiam inibi affixam dimitti, publicationemque, affixionem, & copiarum affixarum dimissionem huiusmodi in omnibus, & quoad omnia sufficere, & pro solemnè & legitima haberi, nec aliam publicationem in Regnis, Provincijs, Ciuitatibus, Oppidis, & locis requiri, aut expectari debere, omnesque, & singulos perinde arcere & afficere, ac si vnicuique nominatim ac personaliter intimatæ atque præsentatæ fuissent. Nollī ergo omnino hominum liceat hanc paginam nostræ confirmationis, approbationis, additionis, adiunctionis, prohibitionis, iussionis, Decreti & voluntatis infringere, *vel* ei ausu temerario contraire. Siquis autem hoc attentare præsumpserit, indignationem Omnipotentis Dei, & Beatorum Petri & Pauli Apostolorum eius se noverit incursurum. *Datum Rome, apud Sanctum Petrum, Anno Incarnationis Dominicæ millesimo sexcentesimo quadagesimo primo, Pridie Nonas Martij, Pontificatus Nostri Anno Decimono.*

E. DAT.

Pisa de Curia P. Gentilis

F. Morola.

P. Ciampini.

SANCTE